

Nefndasvið Alþingis
Samgöngunefnd
Alþingi v/Austurvöll
150 REYKJAVÍK

Garðabær, 16. maí 2011
2011040015/42-1-1
TB
tb

Frumvarp til laga um uppbyggingu á Vestfjarðavegi (veglagning út með Þorskafirði um Teigsskóga), 439. mál

Vísað er til bréfs/tölvupósts frá samgöngunefnd Alþingis, dags. 14. apríl sl., þar sem óskað er eftir umsögn Náttúrufræðistofnunar Íslands um frumvarp til laga um uppbyggingu á Vestfjarðavegi (veglagning út með Þorskafirði um Teigsskóga), 439. mál. Beðist er velvirðingar á því hvað dregist hefur að svara erindinu.

Þann 5. júlí 2010 óskaði umhverfisráðuneytið eftir álti Náttúrufræðistofnunar Íslands á óskum landeigenda Grafar og Hallsteiness í Gufudalssveit í Reykhólahreppi að umhverfisráðherra hlutist til um friðlýsingu Teigsskógar á grundvelli laga um náttúruvernd. Álit Náttúrufræðistofnunar var eftirfarandi (sjá meðfylgjandi bréf dagsett 3. september 2010):
Náttúrufræðistofnun Íslands skal samkvæmt 4. gr. laga nr. 60/1990 leiðbeina um hóflega nýtingu náttúrulegra auðlinda og aðstoða með rannsóknnum við mat á verndargildi vistkerfa og náttúruminja og áhrifum mannvirkjagerðar og annarrar landnotkunar á náttúruna. Í ljósi þessa hlutverks mælir Náttúrufræðistofnun eindregið með því að Teigsskógar verði friðlýstur. Mikilvægasta ástæða þessa er fyrst og fremst mikilvægi birkiskógarins í heild sem vistkerfi og undirstaða tegundaffölbreytni fyrir dýr og plöntur. Teigsskógar er einnig hluti af búsvæði arnarins í þessum landshluta en örninn er enn í útrýmingarhættu. Teigsskógar er einnig með stærstu og heillegustu birkiskógum á Vestfjörðum og er hluti af svo til ósnortinni landslagsheild á þessu svæði. Það dylst engum að fyrirhugaðar vegaframkvæmdir eftir endilöngum Teigsskógi hefur kallað fram þörf til að vernda skógin og ráðleggur Náttúrufræðistofnun að reynt verði að finna aðrar leiðir til að leysa brýna þörf fyrir að bæta vegsamgöngur í þessum landshluta.

Í ljósi framangreindrar niðurstöðu þar sem Náttúrufræðistofnun mælir með því að Teigsskógar verði friðlýstur getur stofnunin ekki mælt með því að frumvarp að lögum sem



gerir ráð fyrir veglagningu um Teigsskógi sé samþykkt. Náttúrufræðistofnun Íslands mælir með svokallaðri hálsaleið.

Virðingarfallst



Trausti Baldursson
sviðsstjóri stjórnsýslu- og alþjóðamála

Meðf. Bréf til umhverfisráðuneytisins frá Náttúrufræðistofnun dags. 3. september 2010.

